



Claudii Fleurii Abbatis Historia Ecclesiastica

Ab Anno Christi 1143. Usque Ad Annum 1176

Fleury, Claude

August. Vind. [u.a.], 1762

VD18 90118014

§. 25. Papa Imperatorem placat.

[urn:nbn:de:hbz:466:1-66377](#)

Sæcul. XII. leniat ac demulceat. Ita salva Imperii
A.C. 1157. Dignitate, tranquilla erit Ecclesia.

§. XXV.

Papa Imperatorem placat.

Interea Fridericus Imperator, in Italiam secundo moturus, ad urbem Augustam castra posuit, ubi milites colligebantur, Rainaldo Cancellario suo & Ottone Comite Palatino Bavariæ præmissis, qui in Longobardiam progressi ubique Imperatoris Regnum stabiliebant. Haç re comperta Pontifex alios duos Legatos Friderico mittit, Henricum Presbyterum Cardinalem tituli S. Nerei, & Hyacinthum Diaconum Cardinalem S. Mariæ in schola Græca, viros prudenter præditos, & rebus gerendis multo ac priores duo aptiores. Ubi Mutinam pervenerunt, Imperatoris Nuncios aduent, modeste se se inferunt, & postquam Legationis suæ causam summatim exposuerint, missos se fuisse ad pacem reducendam & honorem Imperii conservandum, iter suum prosequendi licentiam obtinuerunt. Inde Tridentum delati Episcopum illius civitatis, ut tuto in Germaniam proficiisci possent, itineris socium acceperunt. Cum enim omnes scirent, Imperatorem Papæ esse insensum, complures occasione usuri, & Legatos in fauibus montium iter facientes

rebus

rebus suis spoliaturi, in insidiis excuba- Sæcul. XII.
bant. Quas neutiquam evaserunt, quippe A.C. 1157.
duo Comites, viri in illis regionibus po-
tentest, Cardinales & Episcopum Triden-
tinum captos, omnibusque suis exutos,
vinculis ferreis adstrinxerunt, donec
quidam nobilis Romanus, Hyacinthi
Cardinalis frater, se ipsum pignori dans,
vinctos liberavit. At paulo post Hen-
ricus Dux Bavariæ & Saxoniæ hanc in-
juriam ultus est.

Itaque Legati, in castra Imperatoris
ad Augustam commorantis pervenien-
tes, in ejus conspectum admittuntur,
ac postquam eum Urbis Romanæ Domi-
num Orbisque Imperatorem salutassent,
exponunt, Papam vehementer dolere,
quod, licet sua quidem opinione im-
meritus, Principem sibi iratum haberet.
Tum epistolam reddunt; eamque legit
& interpretatus est Otto Episcopus Fri-
singensis, quem, ut Radevicus ejus Di-
scipulus testatur, exorta inter Imperium
& Sacerdotium divisio multum afflige-
bat. Epistolæ autem Papalis summa hæc
erat, Imperatorem ob vocem *Beneficium*,
in priore epistola adhibitam, non de-
buisse commoveri. Quia posita non
fuisset ad significandum Feudum, pro
more illorum temporum, nec Papam
voluisse innuere, quod Imperator Va-
fallus ejus esset, sed hanc vocem in eo
sensu

c. 22.

Ep. 4.

Sæcul XII. sensu adhibuisse, quo ex institutione
A.C. 1157. primæva linguae Latinæ bonum factum
significat, & sicut in universo Sacrae
Scripturæ corpore invenitur. Ita etiam
Papa illa verba sua explicat: *contulimus*
tibi Insigne Imperialis coronæ, & dicit,
non alio in sensu fuisse posita, quam
coronam capiti tuo imposuimus. Alias
interpretationes ejusmodi hominibus
tribuit, qui pacem oderunt, & in fine
Legatos suos Henricum & Hyacinthum
Imperatori commendat, quos a se, sua-
dente Henrico Duce Bavariæ & Saxonie,
missos dicit. Hæc Pontificis epistola
c. 23. Imperatoris animum mitigavit, qui Le-
gatis quædam alia exposuit, quæ, nisi
tollerentur, discordiæ semina futura
essent. Responderunt Legati, quæ Prin-
cipi placitura sciebant, pollicentes, Pa-
pam in omnibus Jura & dignitatem Im-
perii esse conservaturum. Tunc vero
Imperator edixit, se cum Papa & Clericis
Romanis in gratiam redditurum, atque
in bonæ fidei pignus Legatis præsentibus,
affectu ad absentes extenso, osculum
pacis dedit. Ita lætos & donis cumu-
latos dimisit.

§. XXVI.

Ottonis Frisingensis extrema.

Otto Frisingensis inter comites Fride-
ricum Imperatorem, nepotem suum,

in